

իգական: Գիւղի դիրքը մասամբ լեռնային է և մասամբ դաշտային և աչքի է ընկնում պարարտ հողերով, ընդարձակ արտերով, արօտավայրերով և ուռենիների ու բարդիների տնկարաններով: Գիւղի միջից անց է կենում մի փոքրիկ առու, որն ուղարպտոյտ հոսելով ոռոգում է նրա դաշտավայրերը, իսկ գիւղի մէջտեղ, մի բլրի վրայ փռած է աղայի դալան, որին կից ընկած է մի գեղեցիկ պարտէզ, պճնազարգւած պտղատու ծառերով և այգիներով:

Գիւղի հիմք գցողները եկած են հայաբնակ Ազնաուու գիւղից 33 տարի առաջ. պարապում են հողագործութեամբ և անասնապահութեամբ: Հողի կէսը վանքապատկան է, զնել է Նոր—Ձուղայի առաջնորդ Սաչատուր վարդապետը Բէնան-էլ-մօլլից և նւիրել Ազգ. Կենտրոնական դպրոցին, իսկ մնացեալ կէսը խանական է: Գիւղացիները հողագուրկ են, նրանք մշակում են հողատէրերի և դպրոցի հողը և բերքի $\frac{1}{3}$ մասը տալիս են նրանց: Վարում են արօրով և ցանում նոյն հացաբոյսերը:*

Գիւղն ունի մի եկեղեցի՝ Ս. Աստուածածին: Գպրոց չունի, բանի տարի առաջ ունեցել է դպրոցանման մի բան, բայց այժմ փակ է: Գիւղացիութեան մեծամասնութիւնը խոր տգիտութեան մէջ է գտնուում:

Հայ գիւղացիութեան պատկերն այստեղ էլ շատ մուսլ է: Գիւղը գտնուում է Փարաջի լամուկների ազդեցութեան տակ, որոնք իրենց աւազակային բնազդներով դարձել են մի չարիք գիւղում ապրող դպրոցապատկան գիւղացիութեան համար և շնորհիւ այդ հանգամանքի, ամեն անգամ երբ առիթ է ներկայանում, ամենաանխիղճ ձեւերով հարստահարում են խողաղ աշխատաւոր գիւղացիութեան քրտինքով ձեռք բերած աշխատանքը: Նրանք ամեն տարի վերցնում են նրանցից ինչ որ կարող են ձեռք բերել. նրանց արտերում արածացնել են տալիս իրենց ոչխարների հօտը: Թէ

* Այս գիւղն երկար տարիներ վէճի նիւթ է եղել դպրոցի (կամ վանքի) և Փարաջի մէջ, որից անվերջ օգուտի են անդական իշխանութիւնները, իսկ դպրոցը առիթ է նիւթապէս: